

東光縣志卷五 光緒十二年重修

經政志

經政者政之大經也記曰治人之道莫急於禮禮有五經莫重於祭故祀典先焉傳曰禮國之幹也要其體制莫大於朝賀而讀灋祈禳與賢敬老胥以防民則禮儀次焉洪範八政食貨居首誠以食為民天非積蓄無以備荒歉故倉儲次之由是而郵政又次之所以憫窮民及枯骨也由是而郵政又次之所以通文檄播德音也乃終之以兵防所謂兵可百年而不用不可一日而不備也志經政

東光縣志

卷五

經政志 祀典

祀典

社稷壇 在城西門外迤北

春秋仲月上戊日祭

會典壇制東西二丈五尺南北如之高三尺

俱用營造尺

一成四出陛各三級繚以周垣四門朱色自北門入

壇南正中立石主一長二尺五寸方一尺去壇二尺

五寸露圓頂餘埋土中壇西北隅設瘞坎一成甃砌

東向寬四尺深三尺西面作踏道上下今僅存地基

按周禮大司徒設其社稷之體而樹之田主各以其野之所宜木遂以名其社與其野小司徒凡建邦國立其社稷祭法諸侯為百姓立社曰國社諸侯自為立社曰侯社大夫以下成羣立社曰置社

郊特牲社祭土而主陰氣也文獻通考漢高祖二年命縣為公社十年令縣常以春二月及臘祠稷以羊彘光武建武二年使郡縣置社稷太守令長侍祠牲用羊豕隋開皇初建社稷以仲春仲秋吉戊祭郡縣並以少牢各祭唐開元禮以春秋仲月上戊祭宋初合州縣春秋二祭禧熙七年頒編類祀祭儀式於諸州元史至元十年頒諸路立社稷壇儀式明史洪武元年頒壇制於天下郡邑俱設於本城西北右社左稷十一年定同壇合祭如京師十四年合三獻皆以文職長官武官不與大清會典順治初定每年春秋仲月上戊日祭祭品通行

風雲雷雨山川壇 在城南門外

祭期與社稷壇同

壇制東西二丈五尺南北如之高三尺一成四出陸各三級繚以周垣四門朱色自南門入壇北正中立

東光縣志

卷五

經政志 祀典

二

石主一去壇二尺五寸露圓頂餘埋土中壇東南隅設燎鑪一座贅砌西向今僅存地基

按周禮大宗伯以禋燎祀司中司命觀師雨師以蕤沈祭山林川澤王制諸侯祭名山大川之在其地者文獻通考秦始皇時雍有風伯雨師廟以歲時奉祀東漢以丙戌日祀風師於戌地以己丑日祀雨師於丑地牲用羊豕隋於國城東北七里為風師壇祠以立春後丑又於國城西南八里為雨師壇祠以立夏後申壇皆三尺牲並用一少牢唐天寶五載詔曰發生振蟄雷為其始今雨師風伯久列於常祠惟此震雷未登於羣望已後每祀雨師宜以雷師同壇祭共牲別置祭器宋皇祐初定風師壇高三尺周三十三步雨師雷師為二壇同墼方一丈九尺政和三年以雨師雷師為二壇同墼其祀則用柏升煙明史增雲師於風師之次自明始太祖時禮臣言唐天寶中增雷師於雨師之次宋元因之然唐制各以特別祭失享祀本意宜以太歲風雲雷雨合為一壇嘉靖十年建太歲壇別

祭仍勅王國府州縣亦祀風雲雷雨師築壇城西
南祭用驚蟄秋分日洪武二年太祖以嶽瀆諸神
各祭城南未有專祀又享祀之所屋而不壇非尊
神之道禮官集議以嶽鎮海瀆及天下山川城隍
合為一壇春秋專祀其王國府州縣山川之祀洪
武十三年定制國朝乾隆二十二年禮部議覆
陝西巡撫陳宏謀咨稱致祭社稷壇定於春秋仲
月上戊致祭山川壇祇載春秋仲月未奉定有祭
期會典亦未載有祭日等語今擬山川之神於春
秋仲月與社稷壇同日致祭請載入會典永遠遵
行

先農壇

在城南門外迤西

雍正六年奉文建

仲春亥日祭

壇制東西二丈一尺南北如之高二尺一寸一成四
出陛各三級繚以周垣三門朱色自南門入壇北建

東光縣志

卷五 經政志 祀典

三

正房三間

中奉神位東貯祭器農具西貯耨田米穀

東西配房各一間置

祭品西住

看壇農民壇東南隅設瘞坎一成西向寬四尺深三

尺東面作踏道上下今僅存地基

按月令天子以元日祈穀於上帝乃擇元辰親載
耒耜帥三公九卿諸侯大夫躬耕帝藉天子三推
三公五推卿諸侯九推周禮甸師掌帥其屬而耕
耨王藉以時入之國語農正陳藉禮韋昭注敷陳
藉禮祭其神為農祈也文獻通考漢舊儀春始東
耕於藉田官祠先農後漢藉田儀正月始耕以乙
日祠先農及耕於乙地是月命郡國守皆勸人始
耕宋元嘉二十一年將親耕整制千畝立先農壇
於中阡西陌南御耕壇於中阡西陌北以一太牢
祀先農班下郡國悉備其禮梁普通二年移藉田
築兆城如南北郊別有觀耕臺在壇東唐垂拱中
改藉田壇為先農壇宋神宗元豐二年詔於京城
東南度田千畝為藉田徙先農壇於其中明史洪
武二年建先農壇於南郊在藉田北

大清會典

雍正四年令各省督撫轉行府州縣衛擇東郊潔淨豐腴之地照所耕藉田畝數為田四畝九分立先農壇每歲仲春亥日祭祭畢行耕藉禮

厲壇 在城北門外迤東

清明日七月十五月朔日祭

按祭法王祭泰厲諸侯祭公厲大夫祭祖厲春秋傳曰鬼有所歸乃不為厲文獻通考宋秋祀厲牲用羊豕明史洪武三年定制京都祭泰厲壇歲以清明及十月朔遣官致祭前期七日檄京都城隍祭日設城隍神位於壇上無祀鬼神等位於壇上之東西羊三豕三飯米三石王國祭國厲府州祭郡厲縣祭邑厲皆設壇城北一年二祭大清會典順治初定郡邑厲壇皆以清明七月十五月朔日祭

鄉厲壇

東光縣志

卷五

經政志

祀典

四

舊志每里為壇周以土垣而不屋與厲壇同日致祭

今圮

按鄉厲即雩祭也月令季春之雩鄭注此月之中日行歷昴昂有大陵積尸之氣氣佚則厲鬼隨而出行仲夏之雩同至季冬之雩則日行歷虛危有墳墓四司之氣為厲鬼將隨強陰出害人也故為厲祭以饗之按後世清明之祭即月令季春之雩也中元之祭即仲夏之雩改期者也十月朔祭亦即季冬之雩改期者也此則與時為變通者耳

文廟 在縣治西

春秋仲月上丁日祭 餘載學校

文昌祠 在學宮東

舊在戟門東明永樂中建正統七年邑民張珩重修天順六年立石記萬曆二十七年邑令周一龍建閣於胡蘇臺上庠生劉芳潤等助工邑令奈良弼繼修名文昌閣

有記 國朝康熙十年邑令王九鼎乾隆三年邑令蔣壽春俱重修嘉慶十五年邑令侯宗祜移建於學宮東舊忠義孝弟祠前咸豐二年邑令李宗城同治四年邑令程映璣光緒十年邑令姚長齡教諭孟昌第俱重修

春秋仲月祭又二月三日加祭一次

祠制大殿三間前為大門為照壁後殿三間周垣繚之

此外文昌閣一在夏口一在宮莊

按今祀文昌皆奉梓潼神也文昌梓潼合而為一蓋肇於元明之季明史禮志曰宏治中尙書周洪謨等議祀典云梓潼帝君張惡子唐宋屢封至英顯王道家謂帝令梓潼神掌文昌府事及人間祿籍故元加號為帝君天子學校多祀之歲以二月三日生辰遣祭然梓潼顯靈於蜀廟食其地為宜

東光縣志

卷五

經政志 祀典

五

文昌六星與之無涉宜敕罷又續通考載嘉靖中倪文毅請正祀典疏亦本周說謂梓潼神景泰五年始敕賜文昌宮今宜祀於蜀不應立廟京師文昌之星與梓潼無干所有前項祀典乞罷免而當時士子仍祀如故據此則以梓潼神為文昌帝君乃元時所封以梓潼神廟為文昌宮又明景泰中所改國初亦未載入祀典嘉慶六年太常寺奏准以每歲二月初三為春祭秋祭另行擇日禮儀祭品與關帝廟同咸豐六年升為中祀又文昌二童見宋王達蠡海集曰梓潼文昌從者曰天龔地啞蓋帝君不欲聰明之盡用故假龔啞以寓意關中雷霖撰重修文昌祠記河間景州東光邑庠戟門之東有文昌祠創始於永樂間迄正統壬戌圯壞幾盡邑民賢者姓張名珩字廷璧修德樂善好尚儒雅懇懇以興復為己任白諸邑之當道者曰我朝治隆學俊旣建文廟又祀文昌吾邑文昌久圯珩不敏願捐貲鼎新之經始於是年之春落成於明年之秋復來請記於余余曰文昌帝君專開化人間祿爵壽算咸宰制之為士大夫時宰於親忠於君扶世立教禦災捍患其功德之在人

大矣其享祀於天下宜矣雖然神之廟祠固充國而郡人之追報鮮克舉之東光延壁以一介士不惜貲費而知報本興復如此其亦斯民之傑出者乎故嘉其善而樂書之使來者有所考云天順六年邑令奈良弼撰文昌閣記史記天官書文昌六星在北斗魁前天之六府也中貴相理文緒司祿賞功進士蓋主文衡云且聚精揚紀輔拂並居以成天象故曰文昌東邑舊有胡蘇臺亦儒學之東南東南巽地也堪輿家為青龍曰龍首弗驥鶉尾不振若之何其奮鱗羽而薄霄漢為於是築之益高歸然崇聳建閣於上中祀梓潼帝君是閣羽翼清廟標表聖宮仰觀俯察而一邑之風氣丕振其有補於人文豈淺鮮哉予分符來此目覩其成而庠生鄭民念以予歲給油炭資立石徵文為記夫士以文進而上之所取亦在於文是文非一人進退所係實一邑之氣運盛衰所關也况神之所校豈稟於文雅者陟浮者黜又爽然而不可易神以靈武著往代而忠孝實先之有羞於神神弗爾相其懋哉勿自戾是文又不在立言立功而在立德矣而多士他日以文名科第藉藉為國家稱得

東光縣志

卷五

經政志

祀典

六

人自此始顧不盛歟是役也經始於萬曆己亥春三月迄工於是歲冬十月而割俸鳩工則前令周君一龍首事庠生劉芳潤且綜理始終捐貲補不足其勞尤可尚也嗟嗟後之人繼是而葺飾之風氣人文可並託不朽矣是為記萬曆二十七年

關帝廟

在縣治西南

創建無考康熙四十二年邑人馬孔任重建殿後又建春秋樓

嘉慶十八年馬澤漢等稟請入官邑令侯宗秩重修山門為戲樓未竟厥事邑令葉馥繼之有記咸豐十一年邑令劉樸重修改戲樓為山門同治十三年邑令陶治安補葺光緒五年邑令趙文粹重修

春秋仲月上戊及五月十三日祭

廟制正殿南向三間前為山門東西並列兩門門前為照壁東南隅齋房一所殿後有春秋樓下為崇

聖祠三間祀 聖帝三代

此外關帝廟一在東甕城一在西甕城一在東南

營一在城東十里今圯一在馬頭鎮河西明宣德中建宏

治中羅餘不備載

按雍正三年救封聖帝三代公爵追崇會祖光昭公位中祖裕昌公位左父成忠公

位右製造神牌供奉後殿五月致祭外定於春秋昭公為光昭王裕昌公為

裕昌王成忠公為成忠王帝君家世惟宋牧

按陳壽三國志列傳不載帝君考兩世諱字生卒甲

仲筠廊偶筆蒲州關侯祖墓碑馮子山撰康熙十

七年戊子解州有常平村士人于昌者讀書塔廟

落廟帝君故居也昌夢帝君授以易碑

二大字驚而寤見帝君考兩世諱字生卒甲

昌急合讀乃紀帝君祖考兩世諱字生卒甲

子大略尋山而求得墓道焉遂奔告解守王朱旦

朱旦乃作帝君祖墓碑記載帝君祖

石磐公諱審字問之和帝永光二年庚寅生居解

州常平村寶池里公冲穆好道以易春秋訓其子

卒於桓帝永壽三年丁酉享年六十入子諱毅字

道遠性至孝父歿廬墓三年既免喪於桓帝延熹

三年庚子六月二十四日生帝君五月十三日生帝君

長娶胡氏於靈帝光和元年戊午五月十三日生

子平其大略如此按靈壽志陸隴其云關公正直

之人歿為明神祀之可也然今之尊關公者皆因

東光縣志

卷五

經政志

祀典

東光縣志

卷五

經政志

祀典

八

年湮世遠仍歸身家四院輪流經營並祈載入碑
 文等語當經批准在案爰是倡首捐廉號眾廣募
 鳩工庇材規模粗具而侯公以丁憂去余於甲戌
 夏量移斯色召紳士詢之咸以歲歉未能蕝事為
 辭今春嵯賈典商奮然思復捐資力舉其事金容
 彩繪昭其尊嚴丹漆黝聖昭其壯麗大殿寢樓門
 屏臺榭罔不賁飾輝煌庶幾綠垣廡室以次落成
 豈不煥然一大觀哉請記於予予不文謹述其概
 以誌所自而獎來茲云嘉慶十九年 邑人王嘉
 言撰重修武安王廟記昔漢之末季豪傑蜂起奸
 雄逆命于時關武安王廟記昔漢之末季豪傑蜂起奸
 郡仗大義以討賊間關百戰奄有荆襄功垂成矣
 而天不祚漢值東吳煽虐蒙遜狡謀一旦瓦解雲
 散因阨於麥城章鄉之問卒以節死天下恨吳行
 狙詐之術失同仇之義而痛哭流涕於王迄於今
 千數百年矣無論學士大夫簪纓武弁田夫紅女
 靡不仰英靈慕神武廟祀紛紛偏於天下此何以
 故也說者謂王之智勇電耀雷旬王之忠節凌霄
 貫日其軀雖亡而神不沒游衍山川流行宇宙故
 人仰而慕之廟祀不絕也噫吁信然哉予嘗披閱

圖史而得王之所為勇智忠節者夫披金甲握寶
 刀奮袂直前萬人辟易是故刺良誅丑勢若摧枯
 獵禁禽惠易於反手王之勇何壯也襲徐州鎮江
 陵逐三郡之吏壞七軍之屯圍襄陽而刺史伏降
 攻樊城而敵人震讐許南遙應曹瞞議遷王之智
 何奇也然而斬將摧鋒之勇拔城略地之智猶未
 足以概王也若夫履危蹈險其志彌堅顛沛流離
 其神愈王英風沼吳豪氣吞許誓遏亂略以復漢
 室以對於天下此則王之勇也當是時勢大如
 曹力疆如孫王視若豚鼠而帝室之胄一見傾心
 察威鳳於羣雞辨真龍於眾鱗其高識遠見視文
 若公瑾輩依附權勢者何如也昭烈敗奔青州王
 居下邳勢孤援絕矣茲時也臨死生計輕重知吾
 主在外而吾身未可以死又念吾主妻子在曹而
 未可以棄於是委婉應變屈身從敵終不肯悻悻
 然以蹈於匹夫匹婦之諫卒之立一效以報曹而
 封金拜書犇昭烈於袁軍此蓋權而不失乎經者
 也非大智孰能辦此者乎至若以君臣之義結骨
 肉之親稠人廣坐侍立終日奉以周旋不避艱險
 始於涿中於徐終於荆鞠躬戮力三十年如一日

東光縣志

卷五

經政志

祀典

九

及臨難之際視死如歸此則精忠貫日大節凌霜
 視區區易操移志者不啻徑庭非純臣能若茲乎
 是以生為烈士歿為明神痛惜於當年仰慕於後
 世廟貌千古血食無窮有以也豈偶然哉豈偶然
 哉東光城東十里舊有王廟規制隱隘邑諸生李
 朝正患焉糾義士蓄貲業饒裕矣乃撤其朽材更
 而新之構殿三楹廓而大之丹堊燦想肖像嚴威
 於是采堅珉徵文於王子王子亦仰英靈慕神武
 者故弗敢辭謹述其概而系之以詩其辭曰炎運
 式微皇綱莫振寰宇割分奸雄竊命矯矯帝胄是
 用志忿興義於涿糾合徒旅王為虎臣外禦其侮
 虬髯鳳目寶刀殷馬單騎刺良萬眾披靡封賜告
 辭故主是歸曹公嘉之義而勿追奉主周旋艱險
 弗避寢息聯牀恩埒兄弟不二其心流離顛沛拔
 襄攻樊威振華夏豈謂阿蒙潛行論詐飲恨章鄉
 爰登仙駕上以酬分下以成仁英氣凜發恆為明
 神靡所不之充溢乾坤闕宮巖巖廟貌赫烜伏臘
 悉嘗清點肥縉萬舞佻佻擊鼓坎坎王之不來我
 心則憂王之格兮翼鸞駟虬羣心快媮傾自薦羞
 歐我妖疹豐我黍稷以福民人以固邦域千秋萬

年欽崇無斃華亭錢福撰重修馬頭鎮關帝廟
 記義勇武安王關公雲長廟祀徧天下精靈塞宇
 宙聲烈昭簡冊端人正士義其忠武夫勁卒壯其
 勇田畷村姬懾其神弔古感遇之徒又悼惜其功
 之垂成而敗而思以報其讎以洩其不平若是者
 千二百年於茲矣夫其勳業之大與漢室相終始
 昭垂史冊無俟贅述而其心術之微學問之素剛
 直正大之氣充塞兩間直使後之人有感動奮發
 而不能自已此廟祀所由設也東光之廟創於宣
 德間迄今凡再修者邑宦海甯縣丞羅君清予故
 人也仰王之忠烈立石屬予為詞以昭示後世且
 東光與涿郡南北並列為赤縣廟於東光為尤宜
 而王之死節臨殂為楚地故於碑之未復為些辭
 以遺邑人俾歌以祀其辭曰虬髯龍翔鳳沼吳些
 上帝既命我版圖些王兮歸來勿吞屠些刮創合
 笑力拔許些上帝既命我疆圉些王兮歸來勿超
 距些王兮歸來勿之荆些赤壁煙消江水平些王
 兮歸來勿之益些陳石壘壘駢以積些豈不遐思
 西出太行些誓殉國讎奚有故鄉些豈不遐思東
 入浴陽些虺蛇窟室蛟龍遁藏些桑陰茈鄰童童

如車些羽葆亭亭茨駐乘輿些王兮歸來帝情所
於些湯沐有邑滂沛郊墟些簞有核兮盤有魚些
疇薦黍兮園摘蔬些夢回夢醒兮什樊猪些鞭風
霆兮下太虛些遨遊八表兮反厥初些福簡簡兮
民歡啖些壽皇圖兮
護儲胥些宏治年

魁星閣

在文昌祠前

道光八年邑令唐滔重修

閣制八角三層門北嚮階十餘級四周雕石為欄右

臨泮池柏楊陰翳閣上塑魁星像環以疏寮簷鐵錚

縱額曰枕參首

此外魁星閣一在陶家店一在土山一在鄧莊

按史記天官書魁戴匡六星曰文昌宮故文昌宮
前必塑魁星也陸文量題魁星像云天門之下有
鬼踢斗癸未之魁必入吾手又文信國公題三山
莊之龍魁星贊云太極初開卽有星紀字始蒼頡

東光縣志

卷五

經政志

祀典

十

科始漢氏後人因之為鬼為斗乾元坤元非德非
有周密癸辛雜志曰凡新狀元送魁星鍍金杯盤
一副再按俗或書作奎其誤始於孝經援神契云
奎主文昌後世遂有奎文奎章之目其實文章在
魁斗前非奎也考漢志云奎主武庫主兵象甘石
星經亦云奎為天子之武庫並無主文之說揣其
被誤之由蓋因奎與東壁相近壁為文章之府故
奎亦被以文名耳如宋五星聚奎實在奎壁二星
之間遂據以為文明之兆實乃五星聚壁也卽
如文昌六星亦將相並占不盡主文何論於奎

城隍廟

在縣治西南

明萬曆中郭統家等重修有記
道光十七年邑令蔡廷熊重修

有記光緒十三年邑令周植瀛重修

祭期與風雲雷雨厲壇同又有司朔望行香

廟制大殿南向三間正廈三間兩旁東西向各六間

為十二司前過廳三間東西穿廊各三間又前東西

向看臺各三間又前為山門上為戲樓東西並列兩門大殿後為便殿三間殿東有寢宮西有穿廊最後為禪院

按城隍之名始見於易城復於隍漢書班固傳濬繕城隍蓋城之有祀固原於古左傳襄公九年宋災祝宗用馬於四墉此則用馬祭於四城也後世為城隍神而祠之實應兆於此其貌為廟祀則如蕪湖城隍廟為吳赤烏二年所建可見漢魏已有城隍之祀自六朝唐宋以來遂徧祠於天下史册所紀不勝述矣或頌廟額或錫封爵至或以人為之如宋史蘇緘傳云緘為桂州城隍是也又城隍夫人見郭彖睽車志載陳之方夢一婦人自言我城隍夫人是也至元明宗天歷二年遂以封城隍夫人定為常制大清會典順治二年八月二十七日祀城隍乾隆二十二年題准與風雲雷雨厲壇同日致祭又每月朔望行香祈求晴雨亦詣廟申虔

東光縣志

卷五

經政志

祀典

十一

邑人郭興治撰重修城隍廟記凡郡邑皆有典祀然往往止有事壇遺若廟貌崇嚴惟吾先師仲尼與城隍之神乃有之東光之城隍廟與邑俱始歲月既遠幾於頽廢復以歲之不易軍書旁午無暇及此余族姪壽官郭統家儒官垂家暨孫庠生郭儒附監佐等慨然同心鳩材庀工互相督察曾無幾時煥然一新正殿正寢兩廡前廳俱金碧輝煌且宏廣深選入者莫不肅然起敬焉又蠲腴田四十畝以為廟祀之資而香火鐘鼓無不畢備又移建土地祠於廟右以併振其威嚴是役也約費二千餘金乃皆出自中心非有所勸勉而為之夫神廟食茲土二百餘年乃其創建已久至今日始重修焉意者凡物之廢興皆有數焉存乎其間即神力亦有不能為之者乎其義可嘉其事可風故於是乎記萬歷口口年邑令蔡廷熊撰重修城隍廟記甲午夏余來茲土見義倉頽廢所積穀二千餘石寄貯古刹中非所以慎蓋藏也亟倡捐七百金於署東建倉厰一座會勒碑而紀其事邑中紳士李君鏘鑾侯君聯鑣相率來告余曰神有城隍所以護國而佑民者也水旱則禱之朔望則謁之

今廟宇將傾何以安神靈而揚祀典敢請余因歲
之不易又兼城西頻遭河患遷延而不即舉行者
非敢緩也蓋有待也丙申秋歲得中稔爰延李侯
二君暨李君峻聲邢君可瞻馬君惟恆趙君雲翔
等董司其事少尉侯士鋒實贊勸之廟中正殿寢
宮兩廡及廟右土地祠仍其舊另於廟門之上添
蓋戲樓三楹以便奉酬神貺第工費浩繁估需三
千餘金余令在城諸董事及在鄉各紳耆分勸士
民量力扶助共得布施銀若干兩於是經之營之
廟貌又復一新是役也凡六閱月而蕪事余感邑
之人欣欣向善踴躍急公以相與有成惟望神之
默佑我民敷錫無疆之福俾得三時不害百穀用
登成富庶之象以共樂昇平弭疫厲之災而成躋
仁壽於以歌功頌德迓神貺於無窮矣是為記道
光十七年

龍神廟 在城北門外 乾隆十二年邑令姜之瑜重修
咸豐六年邑令葉增慶重修

祭期與社稷壇同

東光縣志

卷五

經政志 祀典

廟制舊與八蜡廟相對龍神西向八蜡東向咸豐六
年改入蜡廟亦向西與龍神並列正殿二間北為龍
神南為八蜡其外向北山門一間繚以周垣

此外龍王廟在王家橋

按祭法曰能出雲為風雨者皆曰神文獻通考唐
開元二年詔祠龍池宋大觀四年詔天下五龍神
皆稱王爵青龍神封廣仁王赤龍神封嘉澤王黃
龍神封孚應王白龍神封義濟王黑龍神封靈澤
王 大清會典雍正二年 敕封四海龍王
之神東曰顯仁南曰昭明西曰正恆北曰崇禮遣
官齋送香帛地方官致祭五年分送各直省建廟奉祀

入蜡廟 基址見上

祭期與社稷壇同

廟制見上龍神條內

按景州志隆慶五年州牧白元釐正入蜡神位作
說以明主祀配食並享之義深得體要其略曰禮
謂主先齋而祭司齋則祭必以先齋為主而配以
司齋也又曰饗農則農當別為大饗也又云迎貓
虎謂迎而祭之蓋必有地設迎以祭之也昆蟲無
專祭之文其曰昆蟲不作祝詞也餘若郵表曝坊
水庸或各祭於其所如祭五祀之類也今廟中立
主乃排序而並列於上竊恐有未安矣似當居先
齋於中而以司齋與農配之餘皆旁設於
下使有功者得以並享而尊賤亦以有別

先齋 司齋

農

南面

饗坊 曝表

兒廟 水廟

右入蜡祀位圖

東光縣志

卷五

經政志

祀典

十三

劉猛將軍

附八蜡廟祀

按降靈錄神名承忠吳川人元末授指揮弱冠臨
戎兵不血刃盜皆鼠竄適千里飛蝗蔽野揮劍追
逐須臾蝗飛境外後因鼎革自沈於河有司奏請
遂授猛將軍之號世以其能驅蝗故神而祀之再
按汪沈識小錄云相傳劉猛將軍名銳即宋將劉
錡弟歿而為神驅蝗江淮有功本朝雍正十二年
年詔有司歲以冬至後第三戌日及正月十三日
致祭

邑令姜之瑜撰重修龍王入蜡廟記大田之詩曰
有滄萋萋興雨祈祈口利口口又曰去其螟螣及
其蠹賊除苗害也東邑舊有龍神入蜡廟夫龍之
有祠也昉於唐開元四年以能興雲致雨尊之為
神蜡饗之制禮經註疏謂即神農口口或以禦
水或以防旱或以除田菑蟲及興利去害惟神是
司膺民社者何敢忽諸余乙丑春二月口口龍
蟲社壇祈禱徒步拈香因過龍神與八蜡廟稽
顙載拜為民請命而殿宇年久風雨荐震棟折垣
頽心竊缺然乃不踰日而甘霖口口口口憂者

以喜焉病者以愈焉解澤荷渥與口興歌而善苗
之蠶以屏絕於無何春之鄉豈非神實默佑穀我
士女哉緣謀所以仰答神庥者特為鐫俸構堂數
楹中築一堵分為二祠以奉大神而丹堊聿新像
貌翬赫自此年穀時熟邑之士女銅牲擊鼓競來
報賽者咸歌大田之詩以相怍舞云
乾隆十二年

河神廟 在馬頭鎮河東 咸豐二年邑令李宗城重修有記

祭期與社稷壇同

廟制正殿向西三間前為山門又前臨河有坊西曰

萬古安瀾東曰長隄永護殿後為呂祖祠繚以周垣

此外大王廟一在劉莊一在大龍灣一在洪廟一

在陳莊

東光縣志

卷五

經政志 祀典

古

按吳興備志云金龍大王姓謝名緒明隆慶間太
司空潘季訓督漕河河塞不流司空為文責神旋
著靈異神執書史而責之預告以河於某日當通
果然邵遠平戒山文存曰神父司徒公仲武生四
子紀綱統緒神居季故號四大王又續通考神為
宋謝太后之姪為諸生時嘗讀書金龍山下故稱
金龍四大王 大清會典加神封號為顯佑通濟
昭靈効順廣利安民惠孚金龍四大王濱河各縣
致祭
邑令李宗城撰重修河神廟記余於辛亥秋來守
此土邑有河神廟在西門外河口守令春秋致祭
余敬謹瞻拜見其廟宇傾頽神像剝落惻然有重
修之志考諸邑乘凡創修年歲及重修幾次闕如
也廟之後殿為呂祖祠舊有碑文而字跡磨滅不
復存其存者康熙六年數字迄今已一百八十餘
年矣夫河神專司水利呵護生靈任其廟貌不修
可乎爰借紳商同議重修其時河廳任君爾會與
余有同志旋卸篆未竟其功後任余君承恩踵而
行之余為倡捐俸銀若干而官紳富戶踴躍贊成
鳩工庀材不數月而廟貌新焉廟門外路西臨橋

河有牌坊一座西門外西首橋道為往來通衢亦皆久未修理今一律壯觀瞻便行旅是又推廣河神之靈所願保斯土惠斯民而為之者也以迓神之願後之守此土者嗣而葺焉庶可歷久常新也夫咸豐二年

火神廟 在城南門外 雍正十三年重建嘉慶十三年邑人李秀 重修成豐七年良重修

六月二十三日祭今祭期與社稷壇同

廟制正殿向南三間前為山門西為禪院東為魯班廟

按漢書五行志帝嘗時有祝融氏堯時有閼伯氏民賴其德死則以為火祖此後世火神之所仿文獻通考宋仁宗慶歷中修大火祠三月九日記之以閼伯配徽宗崇寧元年詔天下建崇寧殿並建

東光縣志

卷五

經政志

祀典

五

火德星君殿日下舊聞天啟元年三月命太常寺官以六月二十三日祀火德之神 大清會典康熙二年定每年六月二十三日遣官致祭

再按魯班世每以為即公輸般然公輸載於檀弓孟子及國策論衡人物考云魯之巧人或以為魯昭公子也若魯班則見於西陽雜俎云肅州敦煌人莫詳年代巧倖造化嘗乘木鳶以行據此是姓魯名班乃甘肅敦煌縣人與魯國之公輸子名般者顯係兩人古樂府豔歌行曰誰能刻鏤此公輸與魯班斯為確證蓋兩人俱名般而巧又相同故易混耳此固不在祀典因有是廟故附辨及之

馬神廟 在縣治東馬號北 舊在城隍廟西馬廠乾隆三十年邑令朱重識移建

此於

舊志春秋仲月與社稷壇同日祭

此外馬神廟在馬家莊

按爾雅既伯既騰馬祭也注以伯為馬祖周官校人春祭馬祖天駟星也夏祭先牧始養馬者秋祭馬社始乘馬者冬祭馬步乃神之災害馬者隋用周制祭以四仲之月唐宋因之明洪武二年定以春秋二仲月甲戌庚日致祭五年並諸神為一壇止春祭永樂十三年立馬神祠今天下廐牧所在皆祀之

倉神廟 在縣治東倉廩內廟一間南向

舊志春秋仲月與社稷壇同日祭

按禮記月令藏帝藉之收於神倉倉之名神始此春秋緯佐助期曰天廩倉神名均是倉之有神古矣祀典倉神廟建立倉儲丙每歲春秋二仲月致祭

真武廟 在城北門外乾隆三十三年邑令朱崇識重修同治元年邑令惠霖重修

廟制正殿三間東西房各三間前為二門門東為土

東光縣志 卷五 經政志 祀典 六

地祠西為真君廟又前為山門東西並列兩門繚以

周垣前為照壁

此外真武廟一在馬頭河西明宏治八年建正德元年李林增修有記

萬曆間重修有記一在馬頭河東一在小龍灣南明萬曆九年建

一在夏口明萬曆元年劉成等建一在王家集萬曆四十四年重修有記

一在連鎮一在瓦王莊餘不備載

按周禮考工記龜蛇四旂以象營室也鄭康成注營室元武宿魏伯陽參同契曰元武龜蛇蟠糾相扶天文志曰元武北方七宿也蓋水之精天一所生者虛危以前其形蛇室壁其形龜居坎位曰元有鱗介曰武祀元武即郊祀黑帝之意再按趙彥衛雲麓漫鈔元武本北方之一神祥符間避諱改真武其像被髮黑衣仗劍踏龜蛇從者執黑旗焉圖志云真武為淨樂王太子修鍊武當山功成飛

隱隱甲兵其帥披髮仗劍應之及正大統迺建金
殿於太和山巔以答靈貺又學士宋濂曾有石記
其事甚奇東吳王世貞亦著有賦與詩若記其文
甚壯然則謂其非神者何也余謂披髮按劍躡龜
履蛇所以露其形駕馭風雲鞭叱雷電所以彰其
威毆被蜚疹翊護邦家所以昭其德然則奔走士
女營建宮觀使人心肅然景仰翁然崇奉而享其
大報者非偶也是宜揭之貞珉用彰神德永示無
極其詞曰於惟帝兮位北方王癸兮水德王駕鐵
驪兮驚輅載烏旗兮黑裳變現兮烜赫布德兮有
常帝居兮潭潭傍洪河兮湯湯繫牲兮貞石敷休
兮頌章野老兮村童伏臘兮彷徨雜肴兮蘭藉手
刺兮椒漿撞鐘兮伐鼓跪拜兮肅將祈豐年兮驅
氛佑黎庶兮保邦萬歷口口年邑人王嘉言撰
重修小龍灣真武廟記自左右前後之文載諸曲
禮而元武之名再見於經自五宮之文著於天官書
而元武之名再見於史然曲禮言行軍之法天官
書言北宮之宿而已未聞以為神也迨宋初避聖
祖諱易元為真始以為神而宮室始創矣至元而
復加帝號於是道家神其說謂真武嘗為淨樂國

太子又為玉虛師相曾修道於武當之山於是山
巔建殿宇別為淨樂玉虛諸宮塑神像手按劍足
躡龜蛇而神遂赫奕為世趨慕由此宮觀紛紛徧
天下矣雖然天有五氣地有五方以為非神則主
其方土而宣布其氣伊誰司之故月令於四時各
著其神而謂北方為元冥者非誣也我文皇帝篤
總鴻緒爰整義旅行師之期眾見室中兵甲其帥
元武帝即披髮仗劍應之及正大統特賜武當山
為太嶽山巔建金殿中為帝像几坐供御皆為金
飾所以昭答神貺者備至然則謂元武為非神者
胡不於斯而觀之也邑西南入里為小龍灣衛河
東許諸廟錯立而元武祠獨缺善士李敏學等慕
神赫奕乃立會捐貲貲既饒裕於是乘時僦役陶
甓質易梁麗為殿三楹外為山門周垣繚焉作貌
莊嚴燦然而威自萬歷辛巳興工逾年而克有成
又九年庚寅堅石既斲敏學族弟李義偕宿守信
徵言於余余惟茲神仰贊化機俯鎮方岳靈光烜
赫乘時變現鞭雷霆而駕風雲佑國家而保黎庶
故人心肅然景仰翁然崇奉非諸淫祠可比敏學
等義念一興而遠邇相應布金施粟者竭蹶而至

東光縣志

卷五

經政志

祀典

九

非神道感而宣靈人心乎而效和葛克臻此是宜
 揭之貞珉用張神德以示永久其辭曰太極動靜
 分陰陽乾坤六子列入荒四時並運誰主張五帝
 分司同贊襄於惟元冥主北日厲壬癸水德王
 載彼元旂履黑裳乃駕元路佩元璜披髮按劍氣
 揚揚躡躡履蛇靈皇皇協謀四帝職有常鑒觀入
 表燭無疆維天與善神作祥惟天禍淫神降殃奠
 安黎庶躋壽康鞏固皇圖佑家邦龍灣之東大河
 勞選徒練日建元堂闕宮豐整貌輝煌落成不日
 神功彰擊牲有石刻頌章仰答靈貺慰彷徨器閎
 以奄黍彘將明禮是秉永不忘訓導金廷桂撰
 王家集真武廟奏復民田碑記吾聞之溥天之下
 莫非王士侯封食邑此疆彼界皆天地公物帝王
 神器非一家之私也自昔豪傑之士恨無負郭之
 田流離之子靡有立錫之地則尺土寸田非命不
 得奈之何豪強奸猾恣其私見非禮犯分奪人土
 地至於千百頃而能久乎河間景州東光縣畿輔
 地也間多荒棄不治我太宗文皇帝不忍地方之
 有遺生民之失業特詔開墾荒田不問多寡永不
 起科蓋所以引斯民於生道幹造化以全功此天

地之心帝王之度也於時中貴劉永成授例乘勢
 墾田至六十四頃與其孫四氏者業之造物者默
 笑矣成化中孫氏之子孫微業罔攸主天也彼張
 亮劉倣何為者也乘間而因孫氏業并各州縣徵
 糧養馬地一千九百二十四頃餘誣為拋荒投而
 獻之中貴李興楊泰利為之管業嗚呼亮之與倣
 雖豪強奸猾亦大愚哉王之土果興泰之所能有
 乎果亮倣之所能謀乎於是而有義士出焉以法爭
 之而不與興泰無如之何轉而投之長甯伯周塘
 氏則地之所屬又周而不李矣夫塘國之貴戚宜
 體朝廷優禮之義存大臣謹厚之風斯庶幾成於
 令名也今乃安於受獻使民代償租者數歲於義
 可乎宏治甲子夏詔禁投獻田土悉令退還改正
 此正塘之棄過自新之會也塘不能然致侯隆劉
 鐵侯惠李綱劉欽王律劉旺劉振等上奏詔使御
 史按之御史督有司核之果民田也於時幸聖明
 寬貸塘且執不可正德丁卯春塘朦朧護勅朝廷
 復命各地主為辦子粒隆等勉從之己巳秋復具
 奏塘不得已亦誣奏於朝致隆等下錦衣獄有死
 於獄中者都達於是公賦莫辦私家流移塘黨乘

問追徵子粒民不堪命而激變之禍成矣實正德九年辛酉秋也時幸而御史盧公奉詔按監兼得其情以聞於上上可其奏行令多官審勘的係民田塘幾塞猶以勢得減子粒每畝以一五分五釐爲計蓋亦月攘一雞之類也乃正德辛巳夏皇上龍飛九五大赦天下詔書又有權勢侵奪之禁劉鉞侯隆等因復具情上奏亦其理也一時天日重明而多官會議乃截自孫氏管業六十四頃外其餘一千九百餘頃悉以歸民天理人心於是昭晰洞達若有神助矣是故其事雖反復而不一其理有能奪也然知此者莫逃乎鬼神得耕之非勢力之所王家集有省祭官王君偉者重修真武廟焉其規壯而肅其神靈而通蓋衆心之所萃焉者是故庠士王君自然具以復田之情告我義無他述其事鑄之石於神祠樹焉嗚呼能正天下之是非公生民之禍福者神也真武食茲土監茲民又神之尊且赫焉者其於創建之後能不有以哀憫元元之意而默杜權豪之禍於冥冥之中者乎人之道神之靈尙相與安全之嘉靖四十四年秋八月

東光縣志

卷五

經政志

祀典

三

東嶽廟

在城東門外

明宏治十三年邑民王用和等

有記
歧重修

廟制正殿向南三間東西配房各三間前爲山門上

爲文昌閣

此外東嶽廟一在辛店一在小姬莊一在燕台

按春秋公羊傳三望者何望祭也山川有能潤於百里者天子秩而祭之觸石而出膚寸而合不崇朝而徧雨天下者惟泰山爾文獻通考唐開元十三年封泰山神爲天齊王禮秩加三公一等宋大中祥符五年加上東嶽聖曰仁聖天齊帝元史至元二十八年加上東嶽爲天齊大生仁聖帝明史洪武二年去前代所封名號稱東嶽泰山之神大清會典順治八年題准每歲恭遇萬壽聖節遣官致祭又祈雨詣廟行香祈晴如之再按世傳東嶽主人生死其說出於孝經援神契云泰山天

萬壽聖節

帝孫也主召神魂東方萬物始成故知人生命之
長短白虎通曰東方為岱宗者言萬物更相代於
東方也此實為後世泰山進香之所本邑人廖
紀撰創建東嶽廟記環城皆平壤也相其地之可
田可宮者惟城東為最自東門出有周行以界左
右而其右視左為尤最蓋氣之所鍾然也地主王
君用和默奇之謀諸道人杜鳳汪茂曰城南與城
北皆有壇而城東獨無願施之以建東嶽廟可乎
鳳聞之忻然經始於宏治庚申春明年夏告成請
立碑記之予時讀禮固辭弗獲已竊惟天下名山
莫尊於四嶽東嶽則又其尊焉者也是以古帝王
巡狩徧祀必先於此禮在則然也世儒不深考而
倡為封禪之說背侮聖經貽禍萬世知其謬者惟
唐之太宗宋之太祖及我朝太祖太宗數君而已
觀我祖宗之祭山川親製誥詞某海止曰某海之
神某嶽止曰某嶽之神一去乎前代之封號則其
睿識剛斷高出百王又豈唐宋可及哉東光為畿
內赤縣封知東魯其廟尤宜建且建於靈氣所鍾
之地其靈應尤神正不獨四境連登之可驗也故
於碑末復為詞以遺後人俾歌以祀云瞻彼無原

東光縣志

卷五

經政志

祀典

城之東今驗之於稼茂且豐今匪直人也氣攸鍾
焉其建維何嶽廟穹兮祀禮為先古今通兮稽之
殫典有周同兮洋洋聖訓難磨礪兮何彼諛佞妄
禪封兮君心蠹惑民疲癯兮遺禍至今疇絕蹤兮
遠邁萬古聖祖聰兮一洗百代妄論空兮封禪不
事加禮崇兮自都達郊宇斡櫟兮諸視茲土為官
宮兮東鄰泰嶽神攸憑兮龍馭續紛來沖沖兮是
享是宜無忽恫兮粒我烝民年屢登兮固我皇圖
無終窮兮邑令葉秀岐撰重修東嶽廟記禮王
制有之曰司空度地以居民地邑民居必參相得
也詩公劉篇亦曰相其流泉度其陰陽蓋古之立
國者辨方正位必使祖社朝市奠其居崇卑左右
得其位斯偏勝無虞而詠樂國者富庶永徵已東
光實為漢縣隋曰觀州唐曰安陵國朝仍厥舊
道光乙酉三月余奉檄來宰斯邑暇時訪知邑東
關向有天齊神廟歲久失修西關為往來通衢士
人於某年募修二郎廟兌位勢盛而震方之氣日
益衰問邑之生計此所以故也迺首捐廉倡議重
修邑諸紳士亦踴躍捐輸以襄善舉工垂竣余奉
調去任邢江唐明府來蒞茲土深虞九仞之功虧

於一贊復慨捐廉泉率作興事不踰月而底於成
竊惟五嶽之中霍恆嵩華皆就山鎮列祠惟東嶽
青帝出震乘乾職司長養蒸東方為木德之神自
蒸民粒食以至百穀庶彙之生成仰其膏而被其
澤自時厥後展誠以迓鴻庥則風雨時五穀蕃人
民以安疾癘不作神之方實式憑之爰敘而勒之
石俾後之修志乘者藉以考興廢
之迹落成之歲月云爾道光九年

土地廟 在縣治儀門東 舊在縣治西南隅康熙後移
此又一在城隍廟西南隅其

餘在四關四
鄉者不載

按孝經援神契曰社土地之主土地廣博不可偏
敬故封土以爲社而祀之以報功也禮運命降於
社之謂殺地鄭注亦云社土地之主也至後世或
以人實之如史記樂布傳布死燕齊之間皆爲立
社號樂公社又羅鄴蔣子文傳子文當漢未死於
賊其故吏見文於道謂曰我當爲此土地神以福
爾下民頗著靈異吳大帝乃封文爲侯立廟祀之
他若岳飛爲太學土地神見宋史徐應鑣傳沈約

東光縣志

卷五

經政志

祀典

父爲普靜寺土地神見洪邁夷堅志故今府縣土
地亦每有述神姓名指某日爲神誕者雖若不經
然朔望行香
固不廢也

附祀

三賢堂 在縣學南祀唐袁貞烈公恕己宋劉忠肅公

摯處士張公預 明宏治七年 建有記今祀

任邱李時撰三賢堂記予讀史見唐南陽郡王袁
恕己宋觀文殿學士劉公莘老俱出東光乃作而
歎曰東光吾郡屬邑也二賢產焉今去其世幾百
年矣其遺墟故里尚復有存焉者乎東光之人有
能表而祀於其鄉者乎未幾吏部員外郎廖君廷
陳謂予曰袁劉二公備載邑志復有張公預者三
賢做邑之望也紀謀於邑令施君禮祠而祀矣君
其記之予聞古者鄉先生沒而祭於社者亦惟其
履道秉德建功樹業或貞節足以定難或忠直足
以匡國或著述足以垂遠三者有一皆可以重當

時名後世焉考恕已仕唐值武氏亂借張柬之輩
提衛兵誅嬖臣撥亂反正宮禁肅清唐之宗社賴
昭德無何罷政事流環州為奸黨周利貞所逼飲
野葛數升竟死之其貞烈固有得於天性者莘老
舉進士甲科為御史力諷王安石抗疏辨新法之
非劾蔡確論章惇修嚴憲條百僚敬憚史稱其通
達明銳觸機即發不為利誘威怵勇於去惡朋邪
奇中連片不悔迨再貶蘄州行時語諸子曰上用
章惇果能顧國事不遷怒百姓吾死無所恨正慮
意在報復法令益峻如天下何不計一身之利害
而計天下之休戚公之心何如耶張公立不見史
傳觀其擇歷代良將編集成帙以武子兵法斷其
後讀其書可知其人雖其事未足媲美二公要亦
一鄉之望是豈可以不祀乎孟子曰奮乎百世之
上以興起矣而廖君之心尤足
令人稱道云宏治十七年

徐公生祠 在馬頭鎮河東河神廟前祀知縣徐僑明

東光縣志

卷五

經政志 祀典

三

歷二十三年建邑人王嘉言撰記康熙中邑令孫
世忠改為接官廳邑令白為璣復置徐公木主今
邑人王嘉言撰徐公生祠記萬曆甲午冬十二月

邑令徐公以治行高第召入京將選為給事御史
去之日吾邑大小尊卑相送數十里夾輿哭曰奈
何奪吾父母而頓失我怙恃公亦不忍舍而泣弗
驛也於是指紳耆老還而胥與謀曰公之北行也
吾不能挽留而致其勿去又不能延仁而冀其復
來足不能追隨而俾常侍於左右意又不能割絕
而俾不係於朝夕然則慰仰止之懷愜景行之願
使我公雖遠而常近吾人雖失而常得者其在生
祠乎其在生祠乎乃報學諭張先生欣然稱
善而司諭李先生祠乎乃報學諭張君王君又咸與之各
捐金為倡首於是壽官李榮捐地儒士高守正輸
兩櫪卽以李高二人董其役為堂三楹凡梁楨柱
礎藩級門楣靡不整嚴堅好興於乙未春仲至夏
季工竣太學劉生思問又捐金購貞珉礪之以為
碑而囑不佞紀其事余不獲已謹以我公起家來
邑五六年間所以劬躬焦心惠愛士民諸凡狀一

一形之於詩而鑿之石其辭曰汝水澗澗靈秀鬱
積是生名賢卓然岐嶷公性疑重雖朝其光及敷
文辭曷奕輩行麟經發跡遂魁中省再試禮闈乃
脫囊穎雙鳧高搏入我敝邑舉學清標堂玉質
徵輸有經歲為四限無事苛催其稅立辨讞決尤
脊於死求生氓用不冤固圖頓清暇延矜髦考訊
經菽以進其業以振其志伊昔倭變近我神都公
募拳勇兼閱陣圖矯矯我公允文允武何以似之
周之吉甫民不知吏吏不請鄉孝友力農以恬以
康我公於民若保赤子民視我公君子樂只勿翦
勿伐召伯甘棠形於聲詩萬年敬芳我邑於公祠
之肖之歲時伏臘祀以報之萬歷二十三年
之蕃題徐公生祠詩碩人樹鴻烈為邑乃託始入
井不知危祗席置赤子賦額蠲無期戒令迪里耳
雞犬吏夜驚追呼無寸紙筆楚何不得空園志勿
喜尺階借俊造文風賴振起政成璽書褒拜命繡
斧使膚功奏澄清去後思無已崇祠河之滸千秋
供畏壘扳轅愴叟童紀實藉良史伏臘歲一週椒
蘭奉明水嗣響漸
勉旃長謠追盛美

東光縣志

卷五

經政志

祀典

三

白公生祠

在西門外祀知縣白為璣

康熙三十年建
馬士芳撰記一

金陵馬士芳撰白公生祠記王申春三月余奉
邑有白公生祠二一在邑西二十五里王家集余
未之見也一在邑之西南郊望之宛然山林氣象
注目者久之旋以語弟曰白公祠誠一奇觀獨是
三代以來無生而立祠者有之自于公始蓋于公
為廷尉決獄平允百姓德之是以有此舉公之德
何如于公弟曰于公之德僅決獄一節耳公之德
指不勝屈其尤著者首在編審一事蓋吾邑民數
舊額若干後漸增至一萬八千戶公曰年歲不無
豐歉戶口不無存亡虛應故事而宜除者不除何
以審為公虛心延訪去其所不可不去補其所不
得不補不使老死逃亡有人去徭存之累闔邑咸
稱為神明幸且里書陋規名為進獻實以自肥公
曰吾不受獻也即飲饌之類素亦出自里書公曰
此皆民膏民脂也力行禁絕不費民間一錢卻金

懸魚之操何以加焉於是百姓羣相謀曰天生我公以活我百姓也吾儕小人何以報之計惟有建立生祠以誌不忘耳復憐公素狷介知必不許仍託辭潛構之工成日公果再三欲毀之強而後已公之有祠實由於此余曰嘻異哉公之德殆于公之所不及也詩云樂只君子民之父母惟公有焉尸而祝之固其宜也然則何以無記弟曰非不記也邑無人耳余笑應之曰昔裴度修福先寺皇甫湜以碑文自任後世以爲美談余雖不敏心竊效之遂將所聞所見卽席直書非敢自以爲文也欲留此片石俾後之往來士大夫瞻禮之餘因文考實曰此某年邑侯白公祠也成之者誰闔邑民也而記之者誰金陵馬士芳也公之祠不朽公之德不朽而余之名亦藉以不朽榮莫大焉至王家集祠間亦類是於是乎記康熙三十年

禮儀

讀法

禮部則例凡直省府州縣鄉村巨堡設立講約處所揀選老成者一人以爲約正再擇樸實謹守者三四人以爲值月每月朔望齊集耆老人等宣讀

聖諭廣訓及

欽定律條務令明白講解家喻戶曉該州縣教官仍不時巡行宣導如地方官奉行不力者督撫查參

順治九年頒行六諭於各直省

一孝順父母 一尊敬長上 一和睦鄉里

東光縣志

卷五

經政志 禮儀

一

一教訓子孫 一各安生理 一毋作非爲

十六年議准設立鄉約申明六諭原以開導愚民從前履行申飭恐有司視爲故事應嚴行各直省地方牧民官與父老子弟實行講究其鄉約正副不應以土豪僕隸奸胥蠹役充數應會合鄉人公舉六十以上行履無過德業素著之生員統攝若無生員卽以素有德望六七十歲以上平民統攝每遇朔望申明六諭並旌別善惡實行登簿註冊使之共相鼓舞康

熙九年頒發

聖諭十六條

- 一敦孝悌以重人倫
- 一篤宗族以昭雍睦
- 一和鄉黨以息爭訟
- 一重農桑以足衣食
- 一尚節儉以足財用
- 一隆學校以端士習
- 一黜異端以崇正學
- 一讀法律以儆愚頑
- 一明禮讓以厚風俗
- 一務本業以定民志
- 一訓子弟以禁非爲
- 一息誣告以全善良
- 一戒窩逃以免株連
- 一完錢糧以省催科
- 一聯保甲以弭盜賊
- 一解讎忿以重身命

雍正二年頒發

聖諭廣訓萬言吏部行文各省督撫令教授正諭訓導等官

東光縣志

卷五

經政志 禮儀

二

遴選生員中有品行文學者句詮字解闡發宣講俾兵民人等入耳會心翕然丕變毋得以鄉約耆老輩偶爾談說虛應故事乾隆二十三年議准各直省督撫轉飭所屬州縣嗣後宣講

聖諭必須實力奉行除每月朔望二次宣講外或於聽訟之

餘以及公出之便隨時隨事加以提命不妨以土音諺語敬謹詮解明白宣示俾知奉公守法倘仍有奸民斂錢賽會私立淫祠等弊卽嚴行查拏按律治罪
 議節 每月朔望清晨於本城空闊處爲講所上供

聖諭牌香案旁設講案正官率僚屬紳衿里民齊集講所選

老成生員宣讀贊唱排班跪叩如式向案開講眾官坐班紳衿里民俱恭肅聽受併頒發鄉約全書於各鄉堡齊集居民在約所逐條講解并讀律令舊志縣城內鄉約八人擇年高有德者爲之免本身雜差每逢朔望至縣堂前宣讀

聖諭訖躬執木鐸巡於街巷邑令白復念地方遼闊教化不能徧及申請各憲於九鄉屯另設九鄉約各授

聖諭一本亦令其朔望在鄉宣講又自捐俸製給披頂凡遇萬壽聖節俱令赴縣隨班行禮如元旦冬至則各在本處寺廟內

東光縣志

卷五

經政志 禮儀

三

龍牌前就近率眾叩賀以啟小民忠孝之心以消匪類囂競之氣

咸豐八年邑令陳朔望於本城明倫堂爲講所又親赴四鎮命士庶齊集擇素爲人望者宣講講後面諭羣庶以勵風化

朝賀

通禮每元旦

萬壽聖節長至節省會守土官豫於公所正中恭設

皇帝萬歲龍牌於亭南向設香案於亭之南其日五鼓有司設燎於庭設燈於門廡省用道員一人爲糾儀官府

用同知或通判州縣均用教官一人學弟子員二人
通贊二人引班階下東西分列班次文東武西立位
東西面北上拜位北面東班西上西班東上重行異
等糾儀官位班行之北通贊引班位糾儀官之南皆
東西面夜漏未盡朝服畢會質明引班引入至丹墀
內東西序立通贊贊齊班引班分引至拜位前立贊
進少進贊跪叩興羣官行三跪九叩禮引退

鄉飲酒禮

禮部則例京師及直省府州縣每歲孟春望日及孟
冬朔日舉行鄉飲酒禮擇鄉之年高德邵允符衆望

東光縣志

卷五

經政志

禮儀

四

者一人爲賓其次爲介又次爲衆賓京師府尹爲主
直省各府州縣官爲主

儀節 每屆鄉飲酒期於儒學舉行以知縣爲主人
位東南北面以致仕家居官齒德兼優或未仕而年
高有德者爲大賓位西北南面以已仕載籍或未仕
紳士有年德者一二人爲僎賓位東北南面以次長
爲介賓位西南北面又其次爲三賓位在大賓以下
皆南面次爲衆賓凡本邑紳士品行端方年五十以
上者皆得與位正西東面北上無定額不得其人則
缺之以教官爲司正位在主人之東亦北面闔邑僚

屬位正東皆西面北上贊禮者六人以生員爲之通贊二引贊四司解者二人讀律者一人讀誥者一人皆以生員爲之執事者十二人以僉生爲之先一日設坐次於庠之講堂設律合案於堂東司正官率執事諸生習儀設樂部於西階下至日質明主人率執屬及執事主均詣學迺速賓賓介既至考鐘伐鼓主人出迎於庠門外揖賓介入衆賓從入三揖至於階三讓迺升主人東階上北面再拜賓介西階上北面答再拜主人揖賓介就位三賓衆賓咸就位坐定贊者贊司正揚解以下行禮均贊唱司正由西階升詣堂中北面立賓主以下皆立司正揖衆皆揖司爵酌酒於解授司正司正揚解而語曰恭維

朝廷率由舊章敦崇禮教舉行鄉飲非爲飲食凡我長幼各相勸勉爲臣盡忠爲子盡孝長幼有序兄友弟恭內睦宗族外和鄉里無或廢墜以忝所生迺畢飲以解授司爵揖賓主以下皆揖司正退衆皆坐執事者舉律合案於堂中生員讀律合者詣案前北面立揖讀曰鄉飲之設所以尊高年尙有德興禮讓敢有誼譁失禮者許揚解者以禮責之其或因而爭競賓主席之人會衆罪之讀畢揖退執事以律合退捧大誥

設於前案生員讀誥者詣案前北面立如前揖讀曰
鄉飲酒禮敘長幼論賢良別奸頑異罪人高年有德
者居上高年淳篤者並以次序齒而列其有曾違條
犯法者不許干與賢良之席違者罪以違制讀畢揖
退贊者唱供饌案執事者舉饌案至賓前次僕次介
次主以次舉訖主人起獻賓席前北面立司爵者酌
酒授主人主人受爵詣賓起酢主人席前退揖賓答
揖次獻僕次獻介均如前儀訖復位賓起酢主人席
前東面立司爵酌酒授賓賓受爵詣主人位奠爵於
席儀如前賓復位司爵酌酒獻三賓及眾賓又獻僚
屬徧各就位贊飲酒供湯饌歌作樂酒行歌童歌鹿
鳴之首章再行歌南山之首章三行歌湛露之首章
每酒一行畢贊唱徹饌主賓以下皆起仍東西立贊
供湯一次

關謝

恩行三跪九叩禮主賓復揖分東西行仍三揖出庠門而退
舊志每年正月望日十月朔日舉行前明正賓一人
介賓一人

國朝止有正賓邑令白申請復設介賓擇年高有德者一
人爲之

迎春

會典前一日府州縣官具吉服綵仗鼓樂迎春於東郊出土牛芒神行一跪三叩首禮鼻土牛芒神行香亭鼓樂前導至各署大門內設次安奉土牛南向芒神位東西向立春日清晨陳設香燭酒果各官具吉服齊集次所贊就位排班行一跪三叩首禮興贊擊鼓樂工播鼓各官執綵仗環立土牛兩旁贊鞭春各官環繞擊土牛三匝禮畢各退

祈雨

通禮若間不雨諷宜祀之辰具祝文備牲牢籩豆香

東光縣志

卷五

經政志 禮儀

七

案帛爵鑪鐙守土大吏率僚屬素服祈禱爲民請命儀節 執事人豫入序立引班引陪祭官入引贊引主祭官入通贊贊執事者各司其事贊就位引主祭官至階下盥手就拜位立陪祭官按班就東西拜位立均北面迎 神上香讀祝行三獻禮祈雪儀同

救護

通禮直省府州縣遇日月食各按欽天監推定時刻分杪隨地救護

禮部則例凡月朔日食官員是日俱常服惟救護時素服又日月食遇穿朝服之期救護官員俱素服行

禮

按日食之日潔掃堂署內外設香案於露臺上早晚
隨日爲向布拜席陳金鼓各官素服祇立報日初虧
贊齊班行三跪九叩禮三上香正官伐鼓三聲金鼓
振作如食甚復行一跪三叩禮復圓鼓樂止各官更
公服行禮如初畢退

月食
儀同

賓興

大比之年先試期一月正官擇吉啟請應試諸生屆
期公堂設宴架彩橋於中門外諸生至正官出迎揖
讓升堂正官主席學官及僚佐與焉宴畢諸生簪花

東光縣志

卷五

經政志

禮儀

八

披紅餞升彩橋鼓樂送行

倉儲

舊制河間所屬常平倉儲多寡不等景州額儲穀貳萬石河獻任皆額儲壹萬捌千石阜城額儲壹萬石若交甯吳東則皆額儲壹萬肆千石也惟金穰木饑屢豐難遵雀窺鼠竊陳腐何年昔之比櫛崇墉今或頽垣荒草額儲豈易充乎然積之有方平之有道國無蠹斯民有鳩耳

義倉九處 一在縣東十八里陳家坊 一在縣東二十五里秦村 一在縣東北三十五里燈明寺 以上一在縣西十八里法隆寺 一在縣西四十里土山 以上一在西路

東光縣志

卷五

經政志

倉儲

一

在縣南十里歇馬堂 一在縣東南二十五里陶家店 以上一在縣北二十里夏口 一在縣北二十里燕臺 以上南路 以上北路

以上俱乾隆十六年邑令陳新燕奉文建今俱廢

預備倉 舊在縣治東南官廳三間倉廩二十四間後

廢雍正四年邑令董翰芳造土廩六座於縣治東十

年蔣壽春建甄廩二座乾隆十三年姜之瑜又造甄

廩四座並在縣治西後廢道光十五年蔡廷熊造土

廩一座房二十二間在縣治東 即察院舊署 有記後圮穀

石無存光緒六年邑令姜渭春重修南房三間西房

三間北房三間北上房五間東房六間倉夫住房三
間捐收積穀肆千壹百陸拾陸石參斗陸升伍合光
緒九年兩次散放東源流寺等村被水災黎貳千參
百貳拾肆石陸斗柒升現時實存穀數壹千捌百肆
拾壹石陸斗玖升伍合

邑令蔡廷熊撰重建倉厥記從來盛王之世有饑
歲而無饑民豈有奇策哉惟在司牧者因民食之
有餘以厚其藏因民食之不足以周其急上不損
而下受益焉千古救荒之政莫善於此向者東邑
義倉九座分建四鄉坍塌廢已久嗣經前尹唐公於
夏口等處修復倉厥四所因奉文催辦亦止草草
經營而已余於甲午之夏來知是土下車伊始察
看四鄉厥座俱已滲漏不堪且離城較遠又無倉
正副董理其事向所勸捐義穀二千餘石皆分寄
城中各廟宇暫為收貯終非久計余亟亟焉有興
經政志 倉儲

東光縣志

卷五

二

修之志焉僚佐王君謂余曰有常平倉之隙地焉
用以建蓋義倉可乎爰往相其高下廣狹僉無不
宜余喜甚遂與王君首先捐廉以為之倡而諸紳
士之好義者莫不踴躍輸將襄成厥舉爰卜吉日
鳩工庀材共蓋倉屋二十二間約可貯穀三千石
經始於乙未歲之春閱三月而告成余更喜夫工
料之堅固規模之宏敞從此永豐大有陸續捐
輸以期陳陳相因永遠積貯於斯倉也是為記

郵政

管子入國篇國有掌孤凡孤幼不能自生者屬之其親戚故人養一孤者一子無征養二孤者二子無征有痼疾不能自存者官收而衣食之又禮月令掩骼埋胔是恤孤養疾義冢皆三代之遺制按南齊書文惠太子立六疾館以養窮人梁書普通三年詔置孤獨園以恤老幼舊唐書武宗紀廢天下僧寺其僧尼還俗無歸者以悲田養病坊居之即以廟地量給著本地耆老勾當又後漢書桓帝紀詔曰京師死者相枕若無親屬者可於官地葬之表識姓名設祭此後

東光縣志

卷五

經政志 郵政

一

世之恤孤養疾義冢著爲令甲者也洪邁夷堅志曰崇甯間設孤老院通鑑作居養院以養孤老安濟坊以養病人漏澤園以瘞死者自是而後遂令郡邑徧置而總名之爲恤政

養濟院

在東門內官廳三間居眾房十間久圯

留養局

在西門外路北房四間邑令陳錫麒建同治十二年邑令陶冶安重建北房三間西房一間光緒九年圯

養病堂

在城西二十五里王家集成豐八年建有記一在城南十里歇馬堂

邑人馬德潛撰創建王家集養病堂碑記東光王
家集鎮距城西北二十五里蓋往來孔道也此年
來大河以北恆山以東饑饉相仍故多流亡境內
米價昂貴乞食者滿街衢因饑而病病而瀕死者
比比皆是某等目擊心惻妄思補救欲於此地立
養病堂一所議既定私不敢專稟請於攝篆陳邑
侯侯乃言曰縣有留養局而嘉惠未徧此亦留養
局遺意也若邑內均依此舉行入吾境者將皆歌
樂郊焉即時批准某等遂倡義勸捐附近百餘村
計有千百餘戶上下不等各有捐資相其地則鎮
之東首藥王廟後起屋數間凡丐者病者留於局
醫之以藥食之以粥愈則遣去之死者柳棺斂埋
之若夫出入有經老成遞繼則是役相矢以永久
者也事既竣不可不記復稟請於侯侯許勒石
且諭勉之曰張子不云乎凡天下疲癯殘疾憊獨
鰥寡皆吾兄弟之顛連而無告者也斯亦所以慰
聖君軫恤民隱之懷而彌天地生成之缺陷也已而其循行勿替也可

東光縣志

卷五

經政志 郵政

二

漏澤園

邑令邵建偉置地拾畝伍分楊其才置地拾畝李更

生置地叁畝以上三處馬日龍置地叁畝馬紹箕置

地叁畝杜惟和置地柒畝以上三處李更生置地四

處共貳拾畝莊一鶚置地四處共拾伍畝邑令王縉

置地捌畝餘西門外南有碑碣以上九處邑令邵建

偉置地玖畝伍分柴一藥置地貳畝陸分王子善置

地貳畝玖分以上三處在北關外

郵政

驛站

大清會典東光驛次衝

按一統志東光驛前在景州城西
南本極衝雍正三年裁歸景州今

只遞境內馬頭鎮在縣西三里下臨衛河又縣西南二十

里為連窩鎮與縣北二十里之夏口鎮皆衛河所經

水陸交衝商旅輳集

方輿
紀要

國初額設遞馬貳拾肆匹康熙十四十五年兩年共裁銀伍

百伍拾捌兩陸錢陸分陸釐實存夫馬工料銀壹百

柒拾叁兩叁錢叁分肆釐康熙二十五年奉復二銀

貳百柒拾玖兩叁錢叁分叁釐實存並復二夫馬工

東光縣志

卷五

經政志

郵政

一

料銀肆百伍拾貳兩陸錢陸分柒釐雍正八年奉裁

夫馬工料銀壹百陸拾陸兩貳錢肆分實存並復二

夫馬工料銀壹百貳拾捌兩肆錢貳分柒釐內除十

分之一銀拾貳兩捌錢肆分叁釐實存工料銀壹百

壹拾伍兩伍錢捌分肆釐雍正二年奉文歸回軍站

馬肆匹夫貳名應增夫馬工料等項九折實數銀伍

拾柒兩柒錢玖分貳釐實存並增添夫馬工料銀壹

百柒拾叁兩叁錢柒分陸釐乾隆二十五年奉文裁

歸宣化運站馬肆匹夫貳名奉裁夫馬工料銀伍拾

柒兩柒錢玖分貳釐實存夫馬工料銀壹百壹拾伍

兩伍錢捌分肆釐又乾隆二十五年奉文歸回軍站
馬肆匹夫貳名應添夫馬工料等項九折實數銀伍
拾柒兩柒錢玖分貳釐實存並增添夫馬工料銀壹
百柒拾叁兩叁錢柒分陸釐嘉慶十九年奉文歸撥
大興縣馬貳匹夫壹名應裁夫馬工料銀貳拾捌兩
捌錢玖分陸釐實存夫馬工料銀壹百肆拾肆兩肆
錢捌分遇閏加增今實存

馬拾匹每匹日支豆草價銀貳分柒釐除小建六日不
支外每歲實支銀玖拾伍兩伍錢捌分

馬夫伍名每名日支工食銀貳分除小建六日不支外

東光縣志

卷五

經政志 郵政

二

每歲實支銀叁拾伍兩肆錢

馬匹糞料柴薪治馬藥味馬房燈油等項除小建六日
實支銀拾壹兩零玖分肆釐

同治十一年奉文添設

驛馬叁拾匹

馬夫拾伍名

每日草料工食銀叁兩陸錢肆分伍釐除小建六日
每歲實支銀壹千貳百玖拾兩叁錢叁分遇閏加增
分四季由藩庫支領

郵鋪

舊郵鋪四縣治前急遞鋪曰總鋪由縣而南二十里爲連鎮鋪又南十里爲馬家寨鋪由縣而西北二十五里爲王家集鋪康熙中夫存鋪廢後復增三鋪

南鋪至連鎮設鋪司貳名由連鎮至馬家寨設鋪司壹名復由馬家寨南二十里至吳橋縣安陵鎮設鋪司壹名

西鋪至王家集設鋪司貳名復由王家集西北二十五里至交河縣前設鋪司貳名

北鋪由縣前北二十里至燕臺設鋪司貳名由燕臺北十五里至南皮縣五里鋪設鋪司貳名

東光縣志

卷五

經政志

郵政

三

以上共七鋪鋪司拾貳名每名工食銀陸兩共支銀柒拾貳兩咸豐八年減銀六成實留支銀貳拾捌兩捌錢

兵防

連鎮汎分防東光地面坐落吳橋縣城西北連鎮街在本營東北四十里東光縣為協防地東三十里至魏家莊與甄河營甯津汎界西四十里至古城與河間營阜城汎界南里許至白衣廟與本營安陵汎界北五十里至十二里口與甄河營薛家窩汎界畿輔通志

夏口汎駐於運河東岸東光地距東光縣城二十里北

距本營六十五里專司催漕無分防地面南三十一

里至麒麟臥通志作騎牛窩與河協連鎮汎界北計河程五

十六里至覓漢廟與薛家窩汎催漕地界畿輔通志

東光縣志

卷五

經政志 兵防

千總一員乾隆中移駐連鎮協防該鎮東吳兩境地方

經制外委一員駐劄城內

馬兵陸名

守兵肆拾捌名

營馬捌匹奉文裁壹匹解赴河南軍營叁匹現在馬

肆匹又官自備馬貳匹

馬快捌名

民壯伍拾名

礮位玖拾陸尊康熙中解過叁拾肆尊歷年來殘毀肆拾肆尊現存拾捌尊

三眼鎗叁拾貳杆久無今存拾鎗拾杆過山鳥貳杆

火藥陸百斤久無

鐵子貳百箇久無

鉛子壹百箇久無